

Berna, ils 17 da november 2010

## Communicaziun a las medias

Promover la cultura en il sectur da radio – ina nova fundaziun sustegna projects

**Ad ina conferenza da medias a Berna ha la nova Fundaziun svizra per il radio e la cultura srks/fsrc preschentà oz sias activitads. L'intent da la fundaziun è da promover la cultura en il sectur dal radio privat e dal radio da dretg public. La fundaziun conceda contribuziuns da sostegn per projects che han in connex direct cun il radio e la cultura en Svizra.**

La Fundaziun svizra per il radio e la cultura srks/fsrc cun sedia a Berna chapescha sasezza sco promotura ed intermediatura da la producziun radioculturala da tut las parts dal pajais, e quai tant per il radio privat sco era per il radio da dretg public. La fundatura è la Societad da gestiun collectiva svizra per ils dretgs vischins che represchenta sper ils dretgs colliads cun il dretg d'autur dad artists activs, producents da fonograms e producents audiovisivs era quels dad emetturs da radio e televisiun.

La nova fundaziun conceda sin dumonda contribuziuns da sostegn. Ella promova projects, emissiuns, producziuns, concurrenzas, sco er occurrenzas culturalas ed occurrenzas che servan al perfeciunament en professiuns culturalas en il sectur da radio. Plinavant conceda ella era stipendis per professiuns artisticas en il sectur da radio.

Tenor il president da la fundaziun Frederik Stucki na duai la creativitat da las personas petentas da princip betg vegrir limitada; la premissa per survegnir sostegn è però in connex direct cun il radio e la cultura en Svizra. „Cun nossas activitads vulain nus sco fundaziun contribuir al svilup ed a l'avertura dal medium radio, rinforzar la diversitat da las furmas d'expressiun culturalas en il sectur da radio e profilar quellas en l'ambient multimedial“, di Stucki.

Sin sia pagina web en quatter linguis [www.srks.ch](http://www.srks.ch) resp. [www.fsrc.ch](http://www.fsrc.ch) declera la fundaziun tge condiziuns che dumondas da sostegn ston ademplir. Ultra da quai pon las personas petentas concepir ina dumonda, cumplettar quella cun las agiuntas necessarias, l'inoltrar ed administrar directamain sin la pagina web. Pli tard duain ils projects sustegnidis vegrir documentads e preschentads sin la pagina web, uschia che

sa sviluppa cun il temp ina vitrina multifara cun iniziativas reussidas en il sectur da radio e da cultura.

Il cussegl da fundaziun sa cumpona da set commembers che representan tant ils radios da dretg public sco er ils radios svizzers kommerzials e betg kommerzials. Ultra da Frederik Stucki, dapi blers onns commember da la suprastanza en l'Associazion svizra dals radios privats e secretari general da l'Associazion europeica dals radios privats a Brüssel, èn quai: Giuseppe Clericetti (vicepresident da la fundaziun; Radiotelevisione svizzera), Giulia Meier (Radio RaBe), Adrian Jordi (SR DRS), Martin Muerner (Radio BeO), Laurent Pavia (Radio Suisse Romande) e Thierry Savary (Radio Fribourg). L'incumbensa quotidiana surpiglia la manadra da fatschenta Nicole von Graffenried.

Ils medis che stattan a disposiziun a la fundaziun derivan da la deducziun culturala da Swissperform che va a favur da las instituziuns culturalas e socialas da las singulas gruppas autorisadas da Swissperform. En il sectur da radio è quai, dapi la pli recenta midada dals statuts, da nov la Fundaziun svizra per il radio e la cultura srks/fsrc – giuridicamain ed organisatoricamain independenta da Swissperform.

La Fundaziun svizra per il radio e la cultura srks/fsrc è in'organisazion d'utilitad publica e n'ha nagin intent da gudogn. Ella è independenta sin nivel politic, confessiunal ed economic.

Contact media:

Frederik Stucki, president da la fundaziun  
079 417 21 79

Giuseppe Clericetti, vicepresident da la fundaziun  
079 332 41 77